

Predstavnik OSCE-a za slobodu medija pozvan u BiH



Zabrinuti mogućnošću ugrožavanja slobode medija u Bosni i Hercegovini, viši zamjenik visokog predstavnika Peter Bas-Backer i šef Misije OSCE-a u BiH Douglas Davidson, poslali su jučer pismo predstavniku OSCE-a za slobodu medija, Miklósa Harasztija, u kojem ga pozivaju da posjeti BiH kako bi samostalno donio sud o trenutnoj situaciji.

Niz događaja koji su se odigrali u posljednjih nekoliko sedmica izazvali su zabrinutost; povod je bila odluka Vlade Republike Srpske da bojkotuje državnog javnog emitera, BHT1. Kabinet predsjednika RS odbio je dati pristup konferenciji za štampu novinarima BHTV1.

Ambasadori zemalja članica Upravnog odbora Vijeća za provedbu mira također su izrazili svoju zabrinutost te dali podršku posjeti gospodina Harasztija, čiji je cilj utvrđivanje činjeničnog stanja.

Emiteri pod državnom kontrolom igrali su značajnu ulogu u raspiravanju međunacionalne netrpeljivosti u bivšoj Jugoslaviji te na taj način i sami doprinijeli brutalnosti ratova koji su uslijedili nakon raspada Jugoslavije. Upravo zbog toga, međunarodna zajednica bila je uključena u medijsku reformu čiji je cilj bio promoviranje i ukorjenjivanje koncepta slobodnih i nezavisnih medija, kao jednog od suštinskih elemenata funkcionalne demokratske evropske zemlje.